

洛川縣志

頤

川

頤

頤

序

嘉慶丙寅冬余自長安復捧檄之鄜州任時洛川新志成余視之往復良久歎曰嗟乎此洛川之志即洛川之治之先後始終本末具見者也粵稽關中諸古誌若宋氏長安本善矣有明作者代興大率矜尙史裁務以謹嚴爲宗而於紀載體例恒多未備近世矯其弊者輒侈陳周秦漢唐故實博引繁稱以昭淹雅而準諸體要又或未能有當夫自尙書禹貢周官職方以及山經爾雅博物虞衡拾遺諸編其足爲史志所取裁者固自未易殫悉迺欲以一二名流自成著作之體概爲定衡其亦拘墟之見矣至於博觀約取愜心貴當則尤非

洛川縣志

卷首 序

——西安西山書局代印

旦夕可期之功茲邑舊志散佚僅存越今百數十年劉令以蒞任先後八九年間案牘餘暇輒與邑紳耆等講論文獻搜遺補闕以成茲編庶幾稱完書焉蓋邑之風俗本醇厚士多崇儒術而劉令以循循儒者之治治之邑人士久而相喻於其素以是有舉則成罔或牴牾其間斯豈苟且矯飾一時之耳目者之所能致哉令之爲政有體有用故其爲志綱奉目張不必斤斤侈言史裁而凡有關於茲邑之吏治民生者罔弗筆之於書而釐然有當若是則簡而不狃於固陋繁而不流於泛濫事足以隸乎其辭而文足以相乎其質區區一時之紀載云乎哉將以垂諸千百年之久可也余時方道過邑

城邑摺紳耆老請曰願有序爰弁數語於簡端直隸鄜州知
州加五級紀錄五次華亭皂住撰

洛川縣志

卷首 序

二 西安西山書局代印

叙

嘉慶十一年歲丙寅秋九月大有冬十月邑志克成先是乙丑歲九月予與邑人士甫議銓次十二月

方大中丞巡歷茲土詢舊志疎畧狀時謹以正對蒙

中丞口講指畫備舉各志體裁務期詳晰有裨治要

樂誨諄諄祇聆之下再拜謹識而退搜訪裒輯竊幸有所稟

承既而飭繪輿圖蓋先爲志圖稿既有成模而

中丞發示程式適相照合是以圖成呈

鑒獲蒙許可迺益有以自信顧維從來爲書必有所待而成

予自去年春夏之交復蒞茲土其時麥收方歉比秋未登

洛川縣志

卷首 敘

三 西安西山書局代印

大有冬初霰集霰霏竊謂豐登有兆而今年麥秋仍復告歉憂心如結是以志久未成幸自三庚以後雨暘時若乃亦有秋現屆稼穡登場倉箱既積遺秉滯穗咸嘖嘖有盈寧之樂用克告慰於邑人士曰吁斯志其可以告成矣方予攝中部篆時鄜宜黃龍皆經兼任邑人士習知予素治銓授茲土因公洽款舉百四五十年来政典事實先後八九年間咨訪討論爲日良久用敢集議成書攷舊志蕭序邑古誌爲章未滿三十陳令盟津中丞嘗一見之以爲不公不詳爰命蕭令嗣輯成編煨燼之餘一序僅存缺有間矣今所存者蓋

國初陳方伯屬李河濱東械林編次河濱械林皆關中知名士顧未嘗身履其地而第就岳署令及劉孝廉屈生等增錄之本倉卒裁定其時子遺僅存鳩鴻甫集人士落落如晨星數則其所志概多疎略固宜周官外史掌四方之志誦訓掌道方志蓋皆方各爲書而後集於司徒宗作故於禮俗治教所繫甚鉅夫古者九州之志皆集九州之所有悉聚於一書矧茲一邑之志凡一邑之所有其不可不悉聚於一書也明甚第或不根體要各以意爲去取則其流弊迭迭至於不公是則故明中丞盟津之論爲不可易也予維於茲慎之又慎是以遲之又久而後克成茲編旣乃集諸同人商確再三於是謹質

當事求是正將以付梓人施楮墨俾邑人士日手一編勸農桑敦本俗厚人倫講論文學鼓舞奮興崇德廣業以昭聖天子雅化旁敷之澤而區區司土之職亦可藉是以報稱焉予雖不敢與聞史義竊幸斯志爲之以漸而成之適遇其時用克遂夫日與邑人士以心相示之素也於是乎書若夫編纂次第類聚羣分則例言目錄及各類弁言具列於編茲故不贅云時柔兆攝提格黃鐘之吉知洛川縣事加三級上饒劉毓秀芝亭謹敘

纂修

洛川縣知縣加一級劉毓秀
分修

洛川縣儒學教諭米保民

署洛川縣儒學教諭兼訓導事張鶴齡

署洛川縣儒學教諭王盛時

洛川縣儒學訓導路衍軒

同修

宜君營分防洛川汛把總馬良

洛川縣典史戴文思

洛川縣志

卷首 職名

五一 西安西山書局代印

採輯

進士原任城步縣知縣賈構

進士內閣中書董彩鳳

進士延安府教授張可琅

舉人朝邑縣教諭景林五

舉人董彩虹

署密雲縣丞李維楷

歲貢韓鳳舞

廩生樊寅述

生員屈元泰

生

員屈應璉

監

生劉邦彥

校刊

附

貢董沛霖

附

貢李應絨

附

貢馮作漢

附

貢袁自修

例

貢樊向豫

衛

總李登甲

生

員陳乙未

洛川縣志

卷首 職名

膳錄

六 西安西山書局代印

生

員党聯宮

生

員路應科

生

員趙錫朋
宋召甫

繪圖

增

生路夫同

翻印洛川縣誌弁言

洛川縣誌年久失修重以兵燹之餘版籍散軼文獻無攷關係至爲至大庚午冬登壽奉命長洛見聞甫及即謀續修但經濟問題一切編纂採集誠非易事未幾國以統一中央各院部及省府各廳或因調查風土或爲搜集史料函電索寄紛至沓來既不能辭以無誌又不能待諸續修無已乃與教育局韓君廣承商詢應付之策一面搜羅舊誌一面籌資翻印適是時農村自治處奉令撤銷遂從該處經費內提出四百餘元悉照舊誌用鉛字翻印百部閱月藏事書成除遵令寄呈各機關外餘部保存教育局傳示久遠但社會進化一日千里今昔情勢迥乎不同仍盼邦人君子續修新誌藉以繼往開來亦斯邑之一紀念也聊綴數語用誌梗概云

洛川縣志

翻印洛川縣誌弁言

—西安西山書局代印

歲次辛未縣長楊登壽謹識
教育局長韓廷俊監印

跋

國史邑乘關係人類文明之起源一邑有一邑之事實一時有一時之紀載大而山川物產小而風俗禮教以及社會進化之步驟物質文明之程序繼往開來優勝劣敗悉於是乎賴之洛川縣誌創修于乾嘉之年彼時政和國隆人才輩出一切撰述多出於賈董張景諸賢之手言簡義賅堪稱完璧迨後頻遭兵燹文風日下繼起乏人縣誌失修近二百年辛亥政變版牘毀軼文獻無徵識者傷之歷年屢謀續修因經濟問題編纂手續匪伊朝夕所能竣事適中央各部院函電索閱乃提前翻印舊誌是時余忝膺司鐸奉命赴省參與教育行政會議照舊携印洛川縣志

跋

西安西山書局代印

既能應上峰之急需又可延殘篇於將絕俾柯山仙踪洛水名區得以表現於二十世紀天演物競之場本匹夫有責之義勉隨驥尾參加民權運動遙祝國民革命成功國際地位平等揚國旗於東西大陸執牛耳以號令羣雄者黨國幸甚吾邑更幸甚聊綴臆言藉以啟迪奮勵云

韓廷俊廣承氏謹跋

姜獻琛瑞庭氏校閱

中華民國二十年歲在辛未四月

日

洛川縣志總目

卷首 敘 目錄 凡例 原敘

卷一 星野 祥異

卷二 建置 紀事

卷三 疆域 鄉里 村莊 市鎮

卷四 山川 形勝 水利 關梁

卷五 城池

卷六 公署 鎮防 營汛 行館 倉廩 驛站

卷七 封爵

卷八 職官

洛川縣志 卷首 目錄 七 西安西山書局代印

卷九 賦役

卷十 學校

卷十一 祠祀 古蹟

卷十二 寺觀

卷十三 物產

卷十四 風俗

卷十五 選舉 封典 襲蔭 防表 墳墓

卷十六 名宦

卷十七 人物

卷十八 藝文

卷^十藝文

卷^{十二}藝文 拾遺

星度 建置 城池 兵防 人物 風俗 疆域圖

封爵 交通 經籍 拾遺 職官 水利 金石

貢賦 鹽茶 古蹟 屯運 錢幣 紀事 征權

祀典 荒政 學校 宗教 藝文 選舉 祥異

物產

洛川縣志

卷首 目錄

八

西安西山書局代印

凡例

一古志原本購覓無從今之所輯以舊志及通志延安舊志作爲底本非敢妄爲增刪

一星野建置疆域山川等類舊志間有疎漏今採各志補入

一舊志城垣廨署倉廩驛站舖遞兵防監獄等類俱係舊治營繕今城垣移建一切以今治爲主而舊志所載仍有備考

一舊志封爵失載今間採一二以存其略

一舊志職官宦蹟選舉人物未嘗分門今從史志例各還

洛川縣志

卷首 凡例

九一西安西山書局代印

表傳之體

一陸稼書先生靈壽志田賦二卷最爲詳悉茲邑舊志田賦在折正以前與現額較殊今志謹遵乾隆五十九年全書悉心查核務歸實數

一舊志學校僅記建修年月今將間架一切詳載至於歷朝崇祀源流亦著其略而於

本朝儀制特詳庶俾士子共知

國家盛典而宮牆美富之盛仰止彌殷

一舊志祠祀典制多未詳載今遵

功令所頒務爲詳悉以昭誠敬其他不敢妄登至古蹟寺觀

堪資憑眺者並仍其舊

一物產風俗教養攸資今採各志補入

一祥異紀事形勝水利關梁等目各以類附

一人物舊志所收太簡今悉心採訪有善必錄

一烈女賢淑著聞歿後口碑嘖嘖節婦青年守義白首完

操者採訪確實詳載以勵風化

一舊志上下二卷四萬餘言藝文凡十之六今志二十卷

十二萬餘言藝文約十之三文質事覈期於傳信

一敘記題咏等作有關體要者量增一二

一各類體例未盡合而存之可資參考或各類銓次已定

洛川縣志

卷首 凡例

十一 西安西山書局代印

續經採訪本類無餘地可增添者概入拾遺

一新增各款或取諸現存案牘或採諸鄉里見聞事須確

實有據人須鄉評允協去取毫無所私第疎漏仍所必有

增輯謹俟將來

一舊志原敘敬登簡首纂修姓氏可考者一一具載其名

類小序附論并登簡末

一舊志原板仍舊收存無任散失

原敘

明萬曆三十年本知縣蕭九成修三山王文學編司訓劉

兩王陳李四茂才全校纂

志佚序見
舊志藝文

歲壬寅冬有事載筆之役越三月邑新志成蓋搜千百載里巷之遺酌二百年疑信之跡屬不佞成出牧之四年始克就緒先是縉紳先生數數言志廢狀夫洛故有志簡略蕪漏爲章不滿三十且門戶未列綱目未辨前後未序不知創述者誰光宇陳中丞先生嘗一見之致書不佞曰不公不詳非實錄也盍亟圖之顧不佞甫蒞吏事殫心民瘼日以地疲賦重爲先務迫逾三年糧之逋者漸如額民亦稍稍樂業興事不佞令就北司拓而

洛川縣志

卷首 原敘

十一 西安西山書局代印

新之爲專局迎三山王公文學據賓席處其中爲主盟焉而相與校纂則司訓劉公且遴博治士四人凡三閱月始卒業序曰夫吏人者將以明經制而樹風猷也邑於秦爲望縣其劇埒於郡固握綬者所簡拔而任觀風者所拊髀而嘆鉅公名翰夙所感懷賞吊而咏頌之者也而可無志與曩秦有總志多爲大方稱述乃其舊跡關河馳聲瑣闥歌棠蔭於齊魯吳越之疆者邑之碩俊良多焉矧尤其所親而切者而可無志歟不佞往策馬登臨紫金爛柯之岫徘徊五龍五眼之津勝徵於地已而求所以事上友者則忠誠廉介確然以名檢自持非事關朝廟不譚非事屬禮法不見可不謂有人乎已而履畝問俗則佩玉冠裳

之英林壑閨壺之秀雅能振矩流芳後先相映可不謂有表樹乎又已而探奇茹藻窺詩書述作之盛彼一觴一咏鳴心暢性者洋洋乎號大雅焉可不謂藝圃文墨之林乎於職志之宜矣且也經制明則法令不忒而猾梗潛消風猷樹則砥礪有資而觀摩日衆豈直吏人者免曠咎哉將來其重有榮藉矣是舉也得之舊刻者十一創於編裁者十九蓋王公誠篤淵邃好古君子也乃兩王陳李四茂才均稱博洽而勤哀輯故不佞獲賴以副諸縉紳請及陳中丞先生託焉後之君子苟有善爲潤色者將假是而因畧以致其詳有工於刪定者將假是而由博以反於約不佞實有深幸矣西蜀蕭九成譔

洛川縣志

卷首 原敘

十二 西安西山書局代印

國朝順治十七年本

陳方伯

煥

修河濱李楷編弟樾孫振祖門人張倪全錄械林

東蔭商全編

署知縣岳士楚增舉人劉生韻生員屈文鳳全輯校

邑百里視古侯國無國無志然以文獻徵之斯亦難矣洛川雖小壤分白翟勢絡鄜時故山川一隕之神臯也往昔有志久當復理會余承乏秦轄洛川之人以志來請且曰中丞公之賜履也比於中牟桐鄉願託諸志以教來葉余自叨史席即不敢云與聞春秋之義竊考諸禮善則稱親余小子不敢掩親也情亦宜然於是敦士大夫之善屬文者汰其荒穢文其固陋事有關

係雖細必書義無勸懲雖鉅不錄善善長惡惡短大略可觀不
佞乃爲之序曰太史公綱春秋列國之文其詞多可徵然在秦
火之餘闕者亦所未免顧安能備良史於一邑乎即秦之志昔
稱朝邑之韓武功之康時則文獻醇備易爲措力洛川則否土
瘠民不饒其士大夫閎靈積秀故牒無稽其所以社我黎庶者
將有徵於志書苟有利於來者文之工拙何計焉雖然今之洛
川文漸彬彬矣俯念窮簷所當益爲培植先中丞即在箕尾亦
所欣然矣前志迄於萬歷今志收事多立言簡後之君子其嗣
續而畢之盟津陳曠公明甫謨華陰王宏撰書予嘗病誌載之家米鹽凌
雜則體不雅馴刻削簡澁則事不包舉迨夫洛志之作而自媿

洛川縣志

卷首 原敘

十三 西安西山書局代印

也初志不可復得其爲萬歷壬寅本者成於洛令西蜀蕭公蕭作

戴煨燼之餘未易考據方伯盟津陳公猥以予不才粗知史義

誤屬與華州東子雲離共加叅訂而萬歷癸卯以後之事缺焉今

日嗣至之本屈生劉孝廉與署洛鄜丞岳子共爲之予則獨任

其裁定東子計借故也分爲八篇其冒語東爲之餘皆予治之

節其長冗補其斷闕益以同修雍書諸子之詩計日兩月有奇

予命弟檉孫振祖門人張倪輩錄之已又刪潤之再易稿而後

竣於是慨志與史之交相濟也史有正史掌於朝廷志有通志

備載郡國一邑雖褊小與天下相關戶口貢賦登耗損益非細

故矣臧否得失之林古今之所考鏡凡爲書者皆鯁鯁然慎之